

**«Қызылорда облыстық тері – венерология диспансері» ШЖҚ КММ-нің
2024 жылдың ІУ – тоқсанына өткізілген жиналыс
ХАТТАМАСЫ №4**

Қызылорда қаласы

02 желтоқсан 2024 жыл

1. Төрағалық еткен: Бас дәрігер С.А.Усейнов

2. Хатшы: М.А.Бутабекова

Қатысқандар: Кәсіпорынның дәрігерлері мен мейірбикелері және кіші қызметкерлер

Күн тәртібінде: Сыбайлас жемқорлық – қоғамның өзекті мәселесі.

Күн тәртібіне сәйкес кәсіпорынның бас дәрігері С.А.Усейнов бүгінгі күннің өзекті мәселелерінің бірі, бұл сыбайлас жемқорлықпен күрес. Мемлекет басшысы сыбайлас жемқорлыққа қарсы күрес – еліміздің стратегиялық дамуының негізгі басымдықтарының бірі екенін айтқан болатын. Сонымен қатар Президент Қасым Жомарт Кемелұлы Қазақстан Халқына жолдауында осы сыбайлас жемқорлық қылмыстар үшін жазаны қатаңдату және оған қарсы іс-қимылдардың жаңа құралдарын енгізу туралы тапсырмалары аясында, сыбайлас жемқорлыққа қарсы іс-қимыл туралы заңына бірқатар өзгерістер енгізілді.

Атап айтқанда:

1. Сыбайлас жемқорлық қылмысын жасап сотталған тұлғалар үшін шартты түрде мерзімінен бұрын босатуды қолдануды жою;

2. Құқық қорғау органдары қызметкерлерінің, Судьялардың, пара берушілердің және паракорлықтағы делдалдардың сыбайлас жемқорлық қылмыстары үшін жауапкершілікті қатаңдату;

3. Ауыр және аса ауыр сыбайлас жемқорлық қылмыстар үшін қауіпсіздігі барынша төмен мекемелерде жазасын өтеу мүмкіндігінің күшін жою;

4. Шетелдік банктердегі шоттарды иелену бойынша шектеулер енгізу. Мемлекеттік функцияларды орындауға уәкілеттік берілген адамның немесе жауапты мемлекеттік лауазымды атқаратын адамның, сол сияқты шет мемлекеттің немесе халықаралық ұйымның лауазымды адамның пара берушінің немесе оның өкілі болған адамдардың пайдасына жасаған әрекеттері үшін, осы адамның қызметтік өкілеттіктеріне кіретін болса не ол лауазымдық жағдайына байланысты осындай әрекеттерге ықпал жасай алатын болса, сол сияқты жалпы қамқорлығы немесе жол берушілігі үшін өзіне немесе басқа адамдарға ақша, бағалы қағаздар, өзге де мүліктік сипатындағы пайда түрінде жеке өзі немесе делдал арқылы пара алуы (ҚР ҚК 366 бабы) мүлкі тәркіленіп, белгілі бір лауазымдарды атқару немесе белгілі бір қызметпен айналысу құқығынан өмір бойына айыра отырып, параның

жиырма еселенгеннен елу еселенгенге дейінгі сомасы мөлшерінде айыппұл салуға не бес жылға дейінгі мерзімге бас бостандығынан айыруға жазаланады.

Құқық қорғау органының қызметкері немесе құқық қорғау органында жауапты мемлекеттік лауазым атқаратын адам немесе судья жасаған дәл сол іс-әрекеті үшін, мүлкі тәркіленіп, белгілі бір лауазымдарды атқару немесе белгілі бір қызметпен айналысу құқығынан өмір бойына айыра отырып, параның отыз еселенгеннен елу еселенгенге дейінгі сомасы мөлшерінде айыппұл салуға не алты жылға дейінгі мерзімге бас бостандығынан айыруға жазаланады.

Пара берушілер үшін (ҚР ҚК 367 бабы) (50 АЕК дейін, 1 АЕК 3450 тг құрайды) айыппұлдың төменгі мөлшері 2 есеге, яғни параның 20 еселенген мөлшерінен 30 еселенген мөлшеріне дейін ұлғайтылған, сонымен қатар 5 жылға дейінгі бас бостандығынан айыру жазасы қарастырылған.

Айтарлықтай мөлшерде жасалған дәл сол іс-әрекет–мүлкі тәркіленіп, белгілі бір лауазымдарды атқару немесе белгілі бір қызметпен айналысу құқығынан өмір бойына айыра отырып, параның отыз еселенгеннен қырық еселенгенге дейінгі сомасы мөлшерінде айыппұл салуға үш жылдан жеті жылға дейінгі мерзімге бас бостандығынан айыруға жазаланады.

Делдалдар үшін де айыппұлдың мөлшері 2 есеге ұлғайтылды. ҚР ҚК 368 бабында пара алушы мен пара берушіге олардың арасындағы келісімге қол жеткізуші тұлғаның (яғни делдалдың) мүлкі тәркіленіп, белгілі бір лауазымдарды атқару немесе белгілі бір қызметпен айналысу құқығынан өмір бойына айыра отырып, параның он еселенгеннен жиырма еселенгенге дейінгі сомасы мөлшерінде айыппұл салуға не үш жылға дейінгі мерзімге бас бостандығынан айыруға жазаланады деп көрсетілген.

Сыбайлас жемқорлық құқықбұзушылық фактісі туралы хабарлаған немесе сыбайлас жемқорлыққа қарсы іс-қимылға өзгеше түрде жәрдем көрсететін адам мемлекет қорғауында болады, яғни «Мемлекеттік құпияларды сақтау» заңнамасына сәйкес мәлімет берген тұлғажайында ақпарат жарияланбайды және Қазақстан Республикасының Үкіметі белгілеген тәртіппен көтермеленеді, яғни біржолғы ынталандыру төлемдері қарастырылған.

Ал, Сыбайлас жемқорлық құқық бұзушылық фактісі туралы жалған ақпаратты хабарлаған адамдар үшін, заң талаптарына сәйкес жауаптылықта болатындығы көзделген. Отырыс соңында лауазымдық міндеттеріңізді абыроймен, заң аясында атқарған дұрыс деп бүгінгі жиналысты қорытындылады.

Хатшы



М.Бутабекова